

CLEMENTE XIII.

PONTIFICE MAXIMO

RENUNCIATO

ORATIO


*HABITA*

IN COLLEGIO ROMANO

PRID. KAL. SEPT. CIOIOCCLVIII.

A RAYMUNDO CUNICH.

E SOCIETATE JESU.



ROMAE CIOIOCCLVIII.

---

TYPIS JOHANNIS GENEROSI SALOMONI  
SUPERIORUM PERMISSU.





# ORATIO.



X quo die , CARDINALES  
 A MPLISSIMI , primum  
 est auditum , CLEMEN-  
 TEM XIII , Deo Optimo Ma-  
 ximo comitia gubernante ,  
 vobis suffragium ferentibus ,  
 omnibus hominibus plaudentibus , venisse in eum  
 locum , unde terrarum orbem infra se posi-  
 tum intueri , atque universo generi hominum  
 prodesse posset ; inde usque ad hanc horam ro-  
 mani hujus collegii sodales perpetuo , vehemen-  
 ter , apertissime lactati sumus : sed tamen pri-  
 vatim singuli , non publice universi . Fiat jam  
 aliquid susceptum communi consilio : erumpat

vox oratoris : in magna laetitia , laetitiae comes , gratulatio non desit . Quo genere gratulationis uti debeam , non quaero . Placet gratulatio , quam veritas praescribit , qua utuntur omnes , qui apte volunt gratulari . Gratulor quod ita Pontifex factus est , ut esset dignus qui fieret ; gratulor summam in summo honore dignitatem , duarum rerum pulcherrimarum multo pulcherrimam conjunctionem . Habetis quid susceperim ; praestare ut possim , quaeso atque obsecro , vestro me studio ac benevolentia sustentate .

Tibi igitur , BEATISSIME PATER , cujus imaginem hic propositam oculis cerno , quem absentem ita contemplor animo , tanquam si adesses , hujus romani collegii , quod fratris Tui liberi duo illustrarunt , duo illustant hoc tempore , hujus , quae ad nos ventitat , urbanae ac peregrinae juventutis , nostram praecipue hominum societatis , qui hic aliquid docemus aut discimus , primum exhibeo ac deferro voluntatem , observantiam , venerationem . Deinde sincere atque ex animo gratulor ista , quae es adeptus , summum honorem , summum imperium , summam inter homines potestatem :

Quae

Quae quanquam sunt magna atque praeclara, tamen gratulatione digna non putarem, nisi viderem esse praeterea quiddam aliud, quod Tibi possim jure ac merito gratulari; istam videlicet earum rerum, quas dixi, tantae amplitudini tam bene respondentem, ac parem prorsus dignitatem. Quae item dignitas posita, ut sapientibus videtur, in vera solidaque virtute, data a Deo, quaesita recte factis, non alieno studio, aut suffragatione ulla delata, quamvis obtinet vim suam ipsa per sese, atque ob eam rem honores non expetit, tamen, quum ad eandem vocata est, habet profecto quod gaudeat; vel quod est aequum, ubi sit vera honestas, ibi esse insignia honestatis; vel quod est dulce multorum, praesertim sapientum, testimonio iudicioque probari; vel quod est pulchrum, quod magnum, quod frugiferum ac salutare, virum fortem, cui voluntas non desit, nancisci facultatem promovendae publicae utilitatis, fovendae virtutis, comprimendae improbitatis, ipsius suae dignitatis praeclaris actionibus in singulos dies non modo illustrandae, verum etiam amplificandae.

Accepimus, fuisse olim in hac urbe templum

plum Virtutis, huic adjunctum templum Honoris : stulte atque impie, quod rebus a Deo datis divini honores tribuebantur ; quod haec duo inter se jungebantur, sapienter atque ad id, quod dico, accommodate ; ut indicarent, opinor, illa conjunctione, magnam esse harum rerum inter ipsas necessitudinem, alteram perfici ab altera, honorem virtute indigere, virtutem honore adjuvari.

Nec vero Tu, BEATISSIME PATER, idemque etiam sapientissime, non vides, quam bona sit haec complexio & confociatio rerum optimarum ; quam denique possit is, cui contigit, jure laetari. Sed Tu eam Tibi contigisse non putas. Honorem, quo es affectus, maximum ac divinissimum esse, concedis ; ~~Te ut illo dignum esse Tibi persuaderes~~, adduci usque adeo non potuisti, ut conarere saepenumero, ac tum maxime quum suffragatorum studia maxime calebant, etiam aliis persuadere, unum Te esse indignissimum, cui tanta res tribueretur.

Nec Tu id fecisti verbo, ut asselet, aliquo levi ac frigido, sed oratione plena gravitatis, plena fidei, plena doloris ; quum lacrimae defluerent, gemitus erumperent, vox identidem inter-

interclusa singultibus impediretur : O diem illum, tam illustri christianae modestiae exemplo edito , nunquam non memorabilem atque illustrem futurum ! o ignorationem sui praeclaram , atque omni scientia meliorem ! o errorem ( siquidem error dicendus est ) dignum profecto , quem omnes laudent , sibi que expectant sapientes ; cujus se virtus procreatricem & parentem fuisse dicat ; qui solus versetur , tecumque sedeat in ista sede , columna & firmamento veritatis ! Est enim sine controversia Deo gratus , jucundus hominibus , Tibi cum gloriosus , tum vero etiam salutaris : mihi uni tamen incommodus , quod me non patitur , Tecum loquentem , de Tuis laudibus multa dicere , atque id , quod coeperam de dignitate , urgere & persequi usque ad extremum .

Quamobrem avertam a Te orationem meam , convertam ad hos , quos certo scio magno cum assensu , magna que cum voluptate audituros haec esse , quae ad Te si dicerem , vel non agnosceres , vel non probares .

Quidnam igitur vobis videtur , PATRES AMPLISSIMI ? qui sunt , qui fuerunt vestri sensus in hac hominis modestia tam magna ,  
tam

tamque admiranda? Possumusne aut reperire  
 usquam gentium, aut vero etiam cogitando  
 animo fingere quenquam honoribus dignio-  
 rem, quam aliquem virum, qui sit hujusmodi,  
 ut cum suffragia sapientum, & vota omnium  
 ad honorem deposcant, eundem ipse tam sibi  
 putet non deberi, ut, prima honoris capeffendi  
 mentione facta, miretur, haesitet, cohorrescat  
 non multo secus, ac si cui, rei maritimae ac  
 bellicae prorsus ignaro, navis gubernanda in  
 mediis turbinibus, aut exercitus in ipsa acie  
 congressuque cum hostibus, in ipsa acerrimae  
 incertissimaeque pugnae dimicatione, regendus  
 imperio atque in officio continendus daretur.

Nihil videtur esse majus hoc toto in ge-  
 nere dignitatis, quod praeterea postulari a  
 quoquam, aut vero etiam non stulte optari  
 possit. Est tamen aliquid majus atque perfe-  
 ctius: nempe ut illa hominum judicia cum re  
 ac veritate ita consentiant, ut huic, quem fin-  
 gimus, viro ab omni ad rempublicam bene  
 gerendam instrumento atque ornamento pa-  
 ratissimo, dum se imparatum esse judicat, pu-  
 gnandum sit secum ipsi quodammodo, cum in-  
 tima sui ac suorum ornamentorum conscien-  
 tia,



tia , cum necessaria totius anteaclae vitae recordatione . Hanc ego dignitatem summam esse statuo ; hanc in CLEMENTE XIII. inesse video ; hujus illum gratia felicem ac beatum esse praedico . Se ipsum videat , suos mores , suamque vitam consideret , quaerat , scrutetur , excutiat quam libet omnia , nihil inveniet non dignum loco , in quo illum collocavistis .

Natus est patre REZZONICO , matre BARBADICA ; hausit ab utroque parente patriciam sanguinis claritatem ; habuit in utraque familia viros fortes atque omni laude praestantes , quorum adspectu ac recordatione ad decus excitaretur . Natus est Venetiis , in urbe , in qua omnes ad tranquillitatem , patricii etiam ad libertatem atque ad imperium nascuntur , non magis cives , quam domini , miro plerique omnes naturae habitu ad humanitatem , ad gravitatem , ad eam , quae nihil non potest , suaviloquentem sapientiam . Ad annum aetatis decimum domi est retentus , hoc est imbutus illa paterna atque avita ac pene insita suae gentis innocentia , bonitate , liberalitate ; domesticarum virtutum spectator , ac prope jam aemulator . Missus est studiorum causa Bononiam ;

niam ; sedem illam doctrinae ac stabile domicilium litterarum . Habitavit in nobili collegio xaveriano apud homines , quibus tantae indoli instituendae quanquam par facultas non adfuit , voluntas certe non defuit . Qui nunc homines dicunt , se jure laetari , quod ipsis contingit hoc tantum boni , ut , quem habuerint olim testi ac studiorum consortem , eundem jam habeant patrem , magistrum , moderatorem ; ac dominum ; quem dulce sit amare imperantem , admirari docentem , sequi ducentem quo velit .

Verum hanc , mihi meisque multo jucundissimam , commemorationem missam faciamus ; atque ipsum potius , oratorio & philosophico spatio magna cum laude jam decurso , Bononia discedentem laeti atque alacres prosequamur , primum Venetias , ubi commoratus biennium , studiose versatus est in jure civili & theologorum dogmatis cognoscendis ; deinde Patavium , ubi eorum , quae didicerat , specimen dedit in coetu hominum doctissimorum , retulit lauream , doctrinae insigne usitatum , reliquit opinionem doctrinae , minime usitatam ; postremo Romam , sedem hanc Religionis , campum amplissimum hominum virtuti atque industriae patefactum .

Quem

Quem ille campum ubi primum ingressus est , quam libenter , quam cupide , quam sine mora dedit se in eum cursum , quem omnes laudare coguntur , tenere non nisi magni atque admirabiles viri potuerunt ! Florem ipsum aetatis , lubricum illud tempus , ac praeceptis in omnes casus , ita traducebat , ut esset omnibus exemplar laboris , continentiae , religionis , innocentiae , pietatis . Eam vitae rationem instituerat , atque ita diem partitus erat , ut pars temporis multo maxima litterarum studiis , hominum utilitatibus , omni religionis officio , Deique cultui tribueretur ; parum temporis ad quietem reliquum fieret , nihil ad voluptatem . Jura civium , responsa pontificum , decreta patrum cupide cognoscebantur ; parabatur scientia , quae non animum inutiliter oblectaret , sed ipsi olim rei publicae prodesset . Fessum labore studiorum templa excipiebant . Miseri deinde in custodiis publicis , aegroti in nosocomiis , honesti interdum homines , suis in domibus egestate atque inopia perdit , viscebantur : quorum ille aerumnas dolenter videbat , amice solabatur , large sublevabat ; quorum necessitati ne quid deesset , nunquam illum pecuniam

niam aut piguit erogare suam, aut vero etiam  
puduit corrogare alienam.

Verſor in commemoratione rei notiſſimae.  
Qui Romae fuiſtis, qui per aetatem videre po-  
tuiſtis, ipſi vididiſtis CAROLUM REZZONICUM  
virum nobilitate, opibus, famae celebritate flo-  
rentem, ſacco aſperrimo indutum nudis pedi-  
bus incedere; obire vias urbis; cogere ſtipis  
aliquid ab opificibus, a tabernariis, ab ultro  
citroque commeante plebecula; ut alienae men-  
dicitati opem ferret, ipſum mendicare. O mi-  
~~ram vim~~ christianae adverſus inopes miſericor-  
diae, ipſorum inopiam non modo ſentientis ac  
miſerantis, ſed etiam in ſe transferentis! O in-  
ſtituta praeclara illius, in qua haec fiebant, &  
~~fiunt, ſodalitatis!~~ Quam vos nuper, Quirites,  
ut audivit ſuum olim alumnum, pauperum coa-  
ſtorem, praebitorem, patrem, ſummum pon-  
tificem factum, in illo ipſo recentiſſimo effuſiſ-  
ſimoque gaudio totius civitatis, ipſam ſuo mo-  
re, pedibus nudis, manibus pectori admotis,  
oculis prae voluptate collacrimantibus, prae  
modestia in terram defixis, tacite, ſuppliciter,  
venerabunde ad Sancti Marci gratulatum, Deo-  
que gratias actum incedere quum videretis; la-  
crimas

crimas non tenuistis , atque agnovistis genus gratulationis dignum religione hujus urbis , dignum Pontificia sanctitate .

Haec mihi ex privata hominis vita delibanda putavi . Publica munera brevi percurram : sunt enim vobis quam mihi notiora . Reate primum , deinde Fanum Fortunae praetor obtinuit . Nihil provincialis querelae auditum est unquam . Omnia perferebantur plena consilii , plena aequitatis , omnia exacta ad normam tum civilis scientiae , tum christianae virtutis ; quae etiam in regendis civitatibus permultum valet . Romam inde vocatus sedit in eo consilio , cui nomen est factum a consultationibus , quas habet assidue in rebus gravissimis , cum maxima statuendi potestate ; sedit in amplissimo collegio duodecimvirali . Utroque in munere nihil fuit loci aut reprehensioni aut suspicioni ; nihil simultati aut amicitiae datum est unquam ; nihil non decretum ex jure ac legibus ; nulli non laudata hominis facilitas in audiendo , scientia in respondendo , diligentia in cognoscendo , in sententia ferenda religio . Ipsa aequitas , illo res judicante , judicare quodammodo , libram sustinere , expendere omnia , partiri , suum cuique tribuere videbatur .

His

His itineribus progressa CAROLI virtus, spectata jam & diu cognita, venit in eos gradus, quos inter & summum nihil est interjectum, quo praeterea posset ascendere. Cardinalis a Clemente XII. episcopus Patavinus a Benedicto XIV. creatus est.

Cardinalitiae actiones quales fuerint, si quis requirat, respondebo idem de omnibus: fuisse optimas & laudatissimas: ex omnibus unam indicabo, quae instar omnium esse possit; illam videlicet, quae, in causa Aquilejensi tanta cum laude versata, nunquam desit aut desinet hominum sermonibus celebrari. Deus immortalis! Quanta expromenda fuit animi cura! quanta ingenii dexteritas! quanta consilii & sapientiae magnitudo in tanta mole sustinenda, gubernanda, ad eum, qui optabatur, exitum perducenda! Quae vidimus brevi tempore facta esse omnia: controversiam gravem, inveteratam, magnis difficultatibus impeditam; explicatam, sedatam, sublatam: urbem admiratione defixam: ipsum, Patavium, unde invitissimus aberat, redire festinantem; ad sponsam, ad oviculas suas, quas unice amabat, a quibus unice amabatur.

Qui

Qui quidem amor , hujus viri episcopales actiones cujusmodi fuerint , satis declarat : ipse amor quam esset magnus maxime in hominis reditu ac discessu declarabatur . Advenienti obviam se effundebat civitas universa ; abeuntem, votis, corpore, fletu ac singultibus prosequabatur, quum avelli non posset, quum jam avulsa, & domum rediens, tamen identidem respeçtaret.

Quae ego ita facta esse, non miror; mirarer, si facta non essent. Fera aliqua & immanis natura fortasse potuisset: Patavini, homines humanissimi, talem pastorem non amare ardentissime ac ferre in oculis non potuerunt; a quo videbant, quae ad religionis cultum pertinerent (quo cultu etiam civium salus atque omnis felicitas continetur) administrari omnia tam accurate, tam sancte, tam auguste, se ac reliquum gregem curari tam diligenter; a quo episcopale illud templum regali magnificentia exstrui magna ex parte, perfici, dedicari, auro, argento, omni suppellectilis, omni ornamentorum genere locupletari; a quo ipsorum usibus ac saluti magnam copiam sacerdotum, vita & scientia sacerdotali praestantium, esse jam

jam paratam, aequae praestantium sobolem multo majorem, laxatis ingenti sumptu seminarii aedibus, ali ac parari; quem denique non ignorabant, unum pro cunctis anxium & sollicitum curis omnibus excubare, vigilare, nunquam connivere, nihil negligere; quidquid increpuisset, timere suis ovibus; vocare, mittere, ire, atque accurrere periculi depulsores, custodem salutis.

Quid ille in pauperes paternus maternusque animi sensus, illa misericordia, bonitas, benignitas? nonne vel sola tamen inflammasset omnium animos studio, benevolentia, ardore quodam incredibili caritatis? Pro sancte Deus! quae fuit per annos quindecim illa domus! illa, non domus, sed officina honestissima liberalitatis, sed ~~acrarium commune miserorum~~, quo viduitas, quo orbitas, quo solitudo, quo nuditas, quo egestas, quo omnis omnium, fame, algore, morbo, aere alieno pressa mendicitas undique convolabat; unde omnia promebantur, quod opus erat cuique, cito ac large dabatur; ingentes pecuniae erogabantur, effundebantur; non suppellectili, non vesti, non victui, vix pastorali pedo, vix cruci, vix annulo, episcopatus insignibus, parcebatur. Quid multa?



multa ? homo copiosissimus , amplissimo patrimonio , uberrimo sacerdotio praeditus , idem omnium frugalissimus , victus cultusque sui non solum splendori , sed etiam necessitati multa detrahens , ne suum misericordiae vectigal minueretur , brevi tempore , levanda aliorum paupertate , fiebat ipse pauperrimus , exhausta jam re , nondum exhausta largiendi pauperibus voluntate .

Hanc , quam audistis , bonus pastor suis ovibus curam impendebat Patavii ; hanc eandem in reliquis oppidis , pagis , vicis omnibus : quorum incolis , aeque Christi sanguine redemptis , atque ipsius custodiae creditis , nefas esse ducebat aeque magnam , ac Patavinis , sui amoris ac suarum sollicitudinum partem non impertiri . Non ille arbitrabatur sibi omnia confecta , & satis factum suo muneri , quod ubique praefecerat homines navos ac strenuos , quorum nec vita improbari , nec scientia contemni posset ; quod opportune auxilia submittebat , quaeque usus posceret , absens mandabat . Ipse praeterea , quasi quidam paterfamilias prudens atque attentus , obibat omnia , invisebat , inspiciebat quo loco res esset , quid operis fieret , quam

C

san-

sancte religio, quam studiose boni mores cole-  
rentur; num oves haberentur satis diligenter,  
num essent ipsae suis custodibus dicto audien-  
tes, num qua insolesceret, num qua decrasset.

Haec me video, dum breviter dicere vo-  
luerim, dixisse jejune: dicam uberius aliquan-  
to; nam, ut assequar oratione rerum magnitu-  
dinem, non est postulandum. Agite igitur, nisi  
molestum est, transferte animos vestros a Patavi-  
ni agri nitore atque amoenitate ad eorum, qui-  
bus referta est illa dioecesis, montium squallo-  
rem, altitudinem, asperitatem. Contemplamini  
illos saltus, tam densos, tam horridos, dume-  
ta, senticeta, rupes praeruptas, affixa in rupibus  
oppidula, devia, ardua, prope inaccessa; co-  
contententem, atque enitentem equo, pedibus,  
quoquo modo potest, per longissimos callium  
amfractus, hominem sexagenarium, corporis  
infirmi-  
tatem animi robore sustentantem; oppi-  
danos longe aspicientes, agnoscentes, certa-  
tim obviam properantes, genua submittentes,  
sui praefulis non tam majestate obstupefactos,  
quam ipso illo tam suavi oculorum conjectu,  
atque oris hilaritate captos ac delinitos. Quid  
illa in templum deductio? nihil non confertum  
homi-

hominum multitudine ; ipse Dei ope rite implorata ad sedem suam progressus ; omnia ora in unum intenta , omnium animi paratissimi ad salutare divini verbi semen excipiendum , ad ea , quae diceret , sedulo facienda . Jam conciones utinam ab aliquo excipi & servari potuissent ! perspicuae , uberes , plenae roboris atque nervorum , conformatae ad euangelicam & apostolicam , id est veram & germanam formam eloquentiae . Quae si vigeret in magnis urbibus , neque tam multi , obliti quam personam sustineant , in rebus gravissimis nugas agerent atque ineptirent , praeclare cum civibus ageretur . Ardebat ipse , omnes inflammabat : fletus cooriebatur , voces divinam misericordiam implorantium ac peccatorum veniam poscentium audiebantur . Dimissa concione , sacra tribunalia obsideri , sordes animorum elui , expiari . Ipse interim non cessare ; eodem die iterum ac tertio concionari , salutari doctrina pueros imbueri , percontari , interrogare , omnia patientissime explanare , tradere , inculcare verbis ac sententiis , ad illius aetatae captum accommodatis . Quid ubi a templo discessum erat post senas septenasve horas in eo traductas ?

iis, quos dixi, laboribus alii labores succedebant: domi, quae deinde agenda essent meditari; aegrotum aliquem invisere; sanctissimum Christi corpus ad moribundum deferre; aliquem, sicubi erat, vel inimicitias gerentem cum aliquo, vel quamcunque aliam ob causam nondum resipiscentem, alloqui separatim, orare, ne repudiaret oblatam salutis occasionem, ne tantum pastori suo dolorem inureret, Christo, per suum sanguinem suaeque vulnera obsecranti, ne repugnaret; urgere, instare, frangere atque emollire omnem animi duritiam ac pervicaciam sua illa admirabili constantia, gravitate, perseverantia, aequae admirabili mansuetudine ac lenitate. Ad extremum omnibus, jam sibi invicem, jam Deo conciliatis, caeleste caritatis epulum indicebatur; ipse sua manu divinissimum Christi corpus, cibum illum fortium, in quo omnis suavitas atque omnis bonorum copia continetur, amantissime porrigebat, solus tam multis, mira alacritate opus continuans, sudore diffluens, laborem prae voluptate non sentiens. Hac ratione parte illa gregis curata, rebus jam omnibus ordinatis atque compositis, suas oviculas, propter instan-

stan-

stantem pastoris discessum tristes, ac moerentes, Christo domino commendabat; easdem obtestabatur, ut Jesum Christum amarent, ut saepe viderent, sumerent, omni religione ac pietate venerarentur; ipse cum praeclaro illo manipulo sacerdotum, quos ad hujusmodi expeditiones sibi comites atque administratos delegerat, ad alias oves, ad eosdem labores ire festinabat.

Sed jam sit finis; atque oratio, progressa ultra id tempus, quod constitueram, consistat aliquando. Nec vero haec ipsa, quae dixi, parum multa aut parum magna esse arbitror, ut statuamus, hanc tantam virtutem, tam aequabilem, tam sui similem in omni rerum ac temporum varietate, fuisse dignissimam, quae (vestra opera, PATRES AMPLISSIMI, vestro in rempublicam merito singulari) adscenderet in eum locum, quo inter homines nihil est altius. In quo jam residens, cernetur ab omnibus, lucebit omnibus, proderit omnibus. Erit etiam ipsa beatior, quod omnes videbit sua causa multo, quam antea, beatiores; quod omni hominum generi in singulos dies majorem afferet felicitatem. Nos quidem, BEATISSIME PATER

TER ( ut eundem Te , quem initio sum allocutus , alloquar etiam in extremo ) , quae sunt nostrae partes , nullum finem facimus nec faciemus poscendi a Deo , ut Te valentem ac vigentem servet quam diutissime . Idem confidimus facere in caelis illum , in cuius templo haec dicuntur , parentem nostrum Ignatium ; cui , divinae gloriae atque humanae salutis studiosissimo , Te , eodem studio inflammatum , non dubitamus esse carissimum . Hanc , omnibus optatissimam , quum habuerit iste Tuus Pontificatus diuturnitatem , fidenter dico , salva erunt omnia : magnas haec urbs capiet utilitates ; ecclesiae bonorum omnium copia non decrit . Quod ego ita futurum esse confirmo , fretus , non augurio aut divinatione aliqua , sed ea ratione , qua eventa ex causis , ex primis media & extrema noscuntur ; fretus recordatione praeteritorum , fretus adspectu praesentium , fretus Tuis virtutibus , Tuamque ista , orta ex tam laudabili totius vitae cursu , auctoritate : cuius auctoritatis exstat jam specimen pulcherrimum , ac praeclarissimum ; quae nuperrime opus maximum ac difficillimum , diu tentatum , prope jam desperatum , ipsa confe-